

Benny Nisbet (PPA):

'A bira necesario pa Gobierno/Ministro Presidente Evelyn Wever Croes y Ministro Xiomara Ruiz Maduro aclaria ta kende tin di paga BBO, etc.'



ORANJESTAD - Cu gran atencion PPA ta sigui e discusion riba e.o. e cambio riba e kwitantie di tal forma cu no ta visibel mas cu BBO etc. ta wordo paga. Nos a tuma nota cu representantenan di comercio cu tur respet pa nan ta splica cu nunca e 'omzetbelasting' esta BBO etc. no tabata algo cu nan como comerciante lo mester paga pero cu ta un gasto cu nan mester cobra e pueblo esta e consumidor.

Si nos sali un rato for di e punto di salida cu nan tin rason..... anto analisando e problematica algun pregunta hopi interesante ta bin padilanti.

Pasobra ta e consumidor esta 'Bouchi Juan y Shi Maria' esta pueblo ta pagando e asina yama BBO etc.!

E comerciante segun nan ta un 'doorgeefluik' !!

Si esaki ta berdad anto PPA NO ta comprende di con anto tin regla den e ley cu si acaso na final di aña e comerciante tin 'winstbelasting' cu e BBO etc. cu el a pasa como un 'doorgeefluik' na Gobierno/Ontvanger der Belasting diripiente ta bira propiedad di e comerciante pasobra e ta wordo des kita di su Winstbelasting cu e comerciante mester paga.

Cu otro palabra e pueblo/Bouchi Juan y Shimaria ta wordo 'geschroef' di tur banda y e comerciante tin beneficio si caso e tin ganashi na final di aña.

Who is fooling who....kende ta ganando awor ??

PPA ta sinti cu mientras cu tin un discusion tumando logra masha poco representante di pueblo den parlamento ta expresa nan mes riba e materia aki.PPA ta ripiti masha poco pasobra algun si ta expresa nan mes.

PPA ta considera cu mester bin claridad riba e topico aki !! Gobierno y parlamento mester clarifica pa pueblo ta kende realmente mester paga e 'omzetbelasting' / bbo etc. aki ??

Si ta comerciante of ta pueblo 'Bouchi Juan y Shi Maria'??

Si acaso ta 'pueblo esta 'Bouchi Juan y Shi Maria' lo mester continua pagele anto mester regla den e ley un deber pa e comerciante/negoshi pa uza un kwitantie di calidad uno cu e cifranan no ta kita di djele despues di algun siman.

Esaki pa 'Bouchi Juan y Shi Maria' por spaar nan pago haci na BBO etc. y pa nan na nan turno haya e derecho di kitele for di e eventual 'inkomstenbelasting' cu nan debe gobierno fin di aña !!

Si resulta cu ta e comerciante debe 'omzetbelasting' anto regla un forma cu pueblo/bouchi Juan y ShiMaria No tin nodo di pagele establece un control pa evita esaki anto e ora ey por continua pa kita BBO etc. paga door di comercio na gobierno for di e eventual ganashi cu un negoshi of comerciante por tin na final di aña.

PPA tin respet pa nos pueblo y pa nos co-

mercio den su totalidad y nos ta di opinion cu ta gobierno y parlamento ta esun cu tin e deber pa ora cu Leynan wordo pasa of adapta pa tin claridad den ehecuion di e Ley aki. Si acaso den pasado tabata cierto erroranto lo mester mira con pa evita e erornan aki sigui ripiti den futuro.

Un bes mas PPA ta haci un apelacion riba nos Ministro Presidente Evelyn Wever Croes y Ministro di Finanzas sra. Xiomara Ruiz Maduro pa clarifica e problematica aki debidamente.

Na mes momento PPA ta haci un apelacion riba parlamento di Aruba pa analisa e eventual splicacion di nos gobernante den contexto di e leyman actual y declara na pueblo si e splicacion di nos gobernantenan ta corecto si of no. esaki den contexto di e tarea di 'controle' cu tanto e parlamento aki ta gaba pero no ta duna contenido real.

PPA ta keda pendiente di e aclaracion di parti di nos gobernantenan !!